

四庫全書

子部

欽定四庫全書

子部

普濟方卷二百

四十一

詳校官太醫院使

臣張學基

編修官倉聖脈覆勘

總校官中書

臣朱

鈐

校對官中書

臣范來宗

謄錄監生

臣左熙世

欽定四庫全書

普濟方卷一百四十

明

周王朱櫛撰

脚氣門

一切脚氣

附論

夫脚氣之疾實水濕之所為也蓋濕之害人皮肉筋脉而屬於下然亦有二焉一則自外而感一則自內而致治法自應不同南方地下水寒濕清之氣中於人必自足始故經曰清濕襲虛則病起下或者難曰今茲北方其地

則風土高寒其人則腠理緻密而復多此疾者豈是地濕之氣感之而然耶答曰南方之疾自外而感者也北方之疾自內而致者也何以言之北方之人常食潼乳又飲酒無節過傷而不檢且潼乳之為物其氣味則潼乳其形質則水也酒醴亦然人之水穀入胃胃之氣蒸騰其氣與味宣之經絡化之為血外營四肢內注五臟六腑周而復始以應刻數焉謂天地之紀此皆元氣充足脾胃之氣無所傷而然也苟元氣不充則脾胃之本

弱飲食自倍則脾胃之氣有傷既不能蒸化所食之食其氣與味亦不能宣洩旁通其水之性潤而致之其自外而入者止於下脘腫而痛自內而致者乃或至於手節腫也經曰足脛腫曰水太陰所致為重跗腫此但即其自外者言之也所治之法前人方論脩矣自內而致者治法則未有也楊大受云腳氣是為壅疾治法當以宣通之劑使氣不能成壅也壅既成而盛者砭惡血而去其腫勢經曰蓄則勢腫砭則去也後以藥治之○醫

學發明論云經論南方其地下水弱為霧露之所聚也
江東嶺南皆如此春夏之交山水蒸鬱風濕毒氣為甚
足或感之遂成瘴毒脚氣其後則身先屈弱至痺疼脛
腫小腹不仁頭痛心煩痰涎腫逆時作寒熱便溺不通
甚者攻心而勢迫治之誠不可緩有法存焉所以留意經
方便善心術者豈非江左嶺表此疾得之多與外臺云
南方脚氣者一忌嗔嗔則心滿煩則脚氣發第二禁大
語語則傷肺亦發動不得久露足當風入冷水洗脚兩

脚脛尤不宜冷雖暑月常須着脚袴至冷寒倍令兩脛
溫暖微汗大佳依此將息氣漸薄損每至寅丑日割手
足甲割少侵肉去氣夏日腠理開不宜當風臥睡覺令
人按按勿使邪氣稽留數勞動骨節當令通暢此蓋養
生之要拒風邪之法也尋常有力無力食後行三五百
步疲倦不止脚中惡氣隨即下散雖浮腫氣不能上也
東垣法外臺總錄所錄皆謂南方卑濕霧露常聚之地
其民腠理散陽氣不能外固因而履之則清濕襲虛病

起於下此由血氣虛弱受清濕之邪氣與血並行於膚
腠邪氣盛正氣少故血氣澁澁則脾虛虛則弱故令脾
弱也後人名曰脚氣針經云有道以來治之多灸滿灸
為佳以引導濕氣外出及醪醴以通經散邪所治之法
方藥少熱藥多用麻黃川烏薑附之屬內經曰濕淫於
外以苦發之麻黃苦濕發之者也川烏辛熱走而不能
守通行經絡薑附辛甘大熱助陽而退陰亦散清濕之
邪又察足之三陰三陽是何經絡所起以引用藥為主

治審之六氣中何氣所感治以佐使之藥孫真人云醫者
意也隨時增損物無定方真言哉異法方宜論云北方
者其地高峻風寒水冽其俗飲潼酪而肉食凡飲潼
酪以飲多飲速者為飲經云太飲則氣逆又云食入於
陰長氣於陽今反行陰道是逆也夫乳酪醇酒濕熱之
物飲之屬也如此奉養太過亦滋其濕水性潤下氣不
能拘故下注於足經積久而作腫滿疼痛此飲食下流
之所致也通評虛實論云穀入多而氣少濕居下也况

渾酪醇酒之濕熱甚於穀者也至真大要論云太陰之勝火氣內鬱流散於外足脛跗腫飲發於中跗腫於下此之謂也故飲受於胃遊溢精氣下流於脾脾氣散精上歸於肺通調水道下淪膀胱水經四部五經並行合於四時五臟陰陽發度以為常也若飲食自倍脾胃有傷則胃氣不能舒化脾氣不能四布故下流乘其肝腎濕熱注於足脛加之房事不節陽虛陰盛遂成脚氣孫真人云古人少有此疾自永嘉南渡衣纓士人多有之

亦此意也。○診其脉浮而緩者起於風濡弱者起於濕
洪而數者起於熱緊而濇者起於寒風者汗而愈濕者
熏而愈仍利小便熱者下而愈寒者發散而愈凡得脚
氣速宜針灸惟用湯淋洗者醫之大戒也觀夫脚氣皆
由腎虛而生然婦人亦有病脚氣者必因血海虛乘宿
塊嗔怒憂悶哀感悲傷遂成斯疾兼今婦人病者衆則
知婦人以血虛而得與男子腎虛類矣治婦人之法與
男子同藥固無異但兼以七情之藥治之無不效矣治

脚氣古無補法多貴乎利然亦須順四時補瀉之法可
矣○春微瀉後微滋補不然則血氣日衰必使年年遇
蒸熱而作理之必然也治法大槩無越於此又加以四
時謹於調攝又不得久坐立於冷濕之地暑月亦不可
露坐濕處能慎於此依法隨証治之無不瘥矣風毒中
人隨處皆得作病何偏著於脚也曰夫人有五臟心肺
二臟經絡所起在手十指肝腎與脾三臟經絡所起在
足十指夫風毒之氣皆起於地寒暑風濕皆作蒸氣

足常履之所以風毒之中人必先中脚久而不瘥遍及四肢腹背頭項也微時不覺固滯乃知經云次傳足間是也脚氣病皆由感風毒所致得此病多不令人即覺會因他病一度乃始發動或奄然大悶經兩三日不起方乃覺之諸小庸醫不識此疾漫作他病治之莫不盡斃始起甚微食飲嬉戲氣力如故惟卒起卒屈弱不能動有此為異耳黃帝云爰風濕痺是也故有脚未覺異而頭項臂膊已有所苦有諸處皆未知而心腹五內已

有所困又風毒之中人也或見食嘔吐憎聞食臭或有腹痛不利或大小便秘澀不通或胃中衝突不欲見光明或精神昏潰或喜怒迷妄語言錯亂或壯熱頭痛或身體酷冷或覺轉筋或欲腫不腫或肢腿頑痺或時緩縱不隨或復百節攣急或小腹不仁此皆脚氣狀貌也婦人亦爾又有婦人產後春秋取涼多中此毒深宜慎之其氣悶掣癱驚心煩嘔吐氣上皆其候也又但覺臍下冷痛幅幅然不快兼小便淋瀝不同平時即是脚氣之

證○凡四時之中皆不得久立久坐濕冷也亦不得因
醉酒汗出脫衣鞋襪當風取涼致得脚氣若暑月久坐
久立濕地者則熱濕之氣蒸人經絡病發必熱四肢酸
疼煩悶若寒月久坐立濕冷者則冷濕之氣上入經絡
病發則四肢酷冷轉筋若當風涼得之者病發則皮肉
頑痺諸處動漸漸向頭上忽然暴痛若人皆不能忍
者當於熱時必不得頓取於寒以快意也卒有暴寒復
不得受之皆生病也故風毒中人或先中手足十指因

汗毛孔開腠理通風如急箭或先中足仆跌或先中膝
已下足脛表裏若欲使人不成病者初覺病時即灸
所覺處二十三壯因此即愈不復發也黃帝云當風取
涼醉已入房能成此疾問曰何故得者有冷有熱答曰
足有三陰三陽寒中三陽所患必冷暑中三陽所患必
熱故有表裏冷熱不同熱者治以冷藥冷者治以熱藥
以意消息之脾受陽毒即熱頑腎受陰濕即寒痺雖患
脚氣不防乳石動發皆須服壓石藥療之夫因患脚

氣遂生諸病者則以諸藥叅治之小便不利則以茯苓
及諸利小便藥治之大便極硬則以五柔麻仁丸等治
之過體滿腫成水病者則取治水方中治水之藥治之
餘皆倣此更無拘忌凡小覺病後有異即須大服快意
之劑急治之緩則氣上入腹胸脇逆滿氣上肩息急者
死不旋踵寬者數日必死不可不急也但看心下急氣
喘不停或自汗數出或乍寒乍熱其脉促短而數嘔吐
不止者死○千金論云凡人患腳氣不自知則於後因

有他病發動治之得瘥有人直患嘔吐而復腳弱余為診乃告為腳氣病者曰某平生不患腳腫何因名為腳氣不肯服湯余醫以為古法狐疑之間不過一旬而死故腳氣不得一向以腫為名亦有腫者有不腫者其小腹頑痺不仁者腳多不腫小腹頑痺不過三五日即行嘔吐者名腳氣入心如此者死在旦夕凡患腳氣到心難治以其腎水尅火故也○凡腳氣雖復診候多途而三部之脉要須不違四時者為吉其逆四時者勿治本

其人黑瘦者易治肥大肉厚赤白者難愈黑人耐風濕赤白不耐風濕人肉硬却風人肉軟則受風至深難愈○脚氣證狀貌固多但當以診脉分陰陽使無差誤謂脉浮為風緊為寒緩細為濕洪數為熱見於諸陽病在外宜發散之沉而弦者為風沉而緊者為寒沉細為濕沉數為熱見於諸陰病在裏宜溫利之外證自汗走注為風勝無汗疼痛攣急為寒勝腫滿重著為濕勝煩熱頑痺為暑勝四氣兼有但推其多者為勝治之當以諸證

之辨而分表裏寒則溫之熱則涼之在表則散在裏則下

方

二十四味輕脚九

指出直指方

治脚氣通用

當歸

川芎

草薢

羌活

杜仲

石楠葉

薏苡仁

華陰細辛

枳殼

鷄心檳榔

蒼朮

五加皮

防風

續斷

獨活

牛膝

歲靈

仙海桐皮

木香

木瓜

麻黃

川五靈脂

沒藥 滴乳香

右為末酒浸雪糯為丸桐子大每服五十丸細剉辣桂荆芥穗食前煎湯下或枳殼木瓜煎湯下

又方

出本
事方

治脚氣毒遍內外煩熱不解口中生瘡狂走

毒厲及解中諸熱寧毒邪熱卒黃等解蠱毒鬼魅野道熱毒又治小兒驚癇熱病

寒水石

石膏

磁石

滑石

已上四味
各三斤

元參

一斤

羚羊角

五兩

升麻

五兩

丁香

一兩

木香

半兩

甘草

八兩

朴硝

精者

三硝石

好者二斤

朱砂

三兩研細

麝香當門子

右各細研為末每服一錢匕或二錢冷水調下大人

小兒仔細加減食後服

透骨丹

出醫方集成

專治腳氣

川烏

一兩二兩

羌活

二兩

白茯苓

二兩乳香一兩

檳榔

木香各一

兩半 川芎

木瓜

沉香

各一兩

右為末用麵糊丸如梧桐子大每服六十九薑湯下

每於食前服一方無川芎

捲柏散

出楊氏家藏方

治遠年脚氣難治此方特效體虛人減

半服一法治寒濕脚氣腫痛不能履地

黑牽牛

甘遂

檳榔

已上各等分

捲柏

隨用

右為末不得稍雜每服每味各一錢惟檳榔末二錢五更初濃煎葱白湯下至辰巳時取下惡物如魚凍吃淡粥病安便宜服藥

大腹皮

三兩

紫蘓子

檳榔

各一兩

乾宣木瓜

二兩

荆

芥穗

烏藥

橘紅

蘓葉

各一兩

蘿蔔子

半兩

沉香

三桑白皮

枳殼

各一兩半

右劉散每服三錢薑五片煎不時溫服

獨活湯

出直指方

治腳氣

羌活 麻黃 熟附子 生乾薑 川烏 牛膝

白芍藥 白茯苓 黃耆 人參 杜仲 甘

草 辣桂 當歸 白朮 木香

各等分

右麤末每服三錢薑五片棗二枚同煎吞活血應痛

丸

活血應痛丸

出和
劑方

治風濕客於腎經血脉凝滯腰腿重

疼不能轉側皮膚不仁遍身麻木上攻頭目虛浮耳

內常鳴不住

蒼朮

六兩
炒

香附

七兩

威靈仙

二兩

陳皮

五兩
半

沒藥

一兩
草

烏頭

二十
四兩

枸杞

四兩

右為末酒麵稀糊為丸如梧子大每服二十九丸用獨

活湯下兼治腎受風寒腳氣酸疼及久痢登廁風冷入

於腸胃以致兩腳削小成鼓槌風而痢又不止用此

藥

搜風散

出醫方集成

治脚氣愈後可常服之

白芷

川芎

茯苓

甘草

芍藥

當歸

各一兩

陳皮

厚朴

枳殼

白朮

各二兩

乾薑

麻黃

各三兩

兩

桔梗

一兩半

蒼朮

十一兩

肉桂

一兩

右以咀每服三錢水一盞姜四片煎服

除脚氣

出本草

右以鉤樟木作履

主脚氣

出本草

右以靈床下鞋履之

紫金皮丸

出上海上方

治脚氣不問遠近

紫金皮 黑豆 防風 白膠香 石膏 白蔞

藥 骨碎補

各二兩

川烏

一雙二兩

五月蠶沙

四兩

右為末煉蜜丸如鷄頭子大每服半兩細嚼用生薑

湯下

木瓜散

出醫方集成

治脚氣

大腹皮 紫蘓 羌活 木香 茯苓 陳皮

甘草

炙各半兩

宣木瓜

一兩

右咬咀每服三錢水一盞薑棗煎服一方加檳榔白
朮川芎沉香即沉香三和散一方無陳皮茯苓用水
煎服

降氣湯 治下部閉不通并治腳氣

右取藿蒳根一把搗汁水和絞去滓強人服一升數
數用之

治脚氣

出本草

右以豬肝切作生空心以薑醋進當微洩若先利勿

用服

三香丸

治脚氣妨悶不下食瘦弱腹痛

木香

檳榔

各二兩

鷄香

吳茱萸

當歸

陳橘

皮

訶梨勒皮

生薑

各一兩半

右為細末煉蜜和丸如梧桐子大煎陳皮湯下三十

丸

蕤蓉牛膝丸

治脚氣

肉蕤蓉

川牛膝

天麻

木瓜

枸杞子

黃

耆

真虎骨

青鹽

已上各二兩

右都拌勻將前項浸藥酒入麵糊為丸如梧子大焙乾每服三五十丸溫酒白湯空心食前吞下

檳蘓散

治脚氣初發服此藥去風溫及損鬱氣脉多

服不傷人

香附子

半兩

甘草

二兩

陳皮

紫蘓

各錢

三

木瓜

半

錢

右為粗末每服五錢水一盞半或加生薑五片煎七分空心食前服如大便秘滯加大黃檳榔各二錢半一方薑蔥煎服

黑豆煎膏

出聖濟總錄

治腳氣

黑豆

五升

桑白皮

剉五兩

羌活

蒺藜子

海桐皮

吳茱萸

各半兩

右取煎汁外搗羅為末入煎汁中以文武火煎成膏每服一匙頭溫酒化下空心食前服

加減檳榔湯 治一切腳氣痛順氣防壅一方無香附

子足痛而熱者加地骨皮煎腳氣名曰壅疾貴乎踈

檳榔 香附子 陳皮 蘓葉 木瓜 甘草

五加皮

右㕮咀每服四錢水一盞半薑五片煎至八分去滓
溫服婦人腳氣多由血虛加當歸半兩室女腳氣多
由血實加赤芍藥一兩半如大便秘結虛弱者加枳
實壯盛者加大黃如腳痛不已復轉筋者加茱萸痰

逆或嘔者加半夏小便不通加木通脚痛大便不通者用此湯送下青木香丸亦可

木香丸 治脚氣

木香

全蝎一兩白牽牛

黑牽牛各半兩破故紙半兩

半生
半熟

右為末內木瓜中九蒸九曝研爛為丸炒茴香鹽酒下

三十丸食前服

黑錫丹

出加
直方

治虛老人脚氣上攻牙齦腫痛口舌生瘡

沉香 葫蘆芭 附子 陽起石 肉桂 破故

紙 茴香 肉豆蔻 金鈴子 各一兩 錫硫砂子 四兩

右為末同砂子末酒和為丸如梧子大陰乾布袋擦
令光瑩每服四十粒空心薑鹽湯下

枳實大黃湯 醫學發明云昔有人體充肥脚氣始發
頭面渾身肢節微腫皆赤足脛赤腫痛不可忍不敢
扶策手近皮膚其痛轉甚坐而復臥臥而復起晝夜
苦楚難以名狀乃北土高寒故飲酒積久傷脾不能

運化飲食不流之所致投以當歸枳實一兩二錢其
痛減半再服腫痛悉除止有右手指微赤腫以三稜
針刺於爪甲端多出黑血赤腫全去不數日因食溫
麵肢體覺痛宜服此藥

羌活 當歸身 枳實 大黃

右咬咀只作一服水一盞半煎至一盞去滓溫服空
心食前利下兩行痛止○夫脚氣之疾皆水濕之為
也麵滋其溫又添肢節煩疼內經云風勝溫羌活辛

溫透關節故以為主血滯不行則痛當歸辛溫散壅
止痛枳實苦寒治痞消食故以為臣大黃苦寒以導
麴之溫熱治諸老血留結取其駿駛故以為使也

二仙散 治氣不足者因久坐久立陰濕之地坐卧當
風醉脫靴鞋皆成脚氣若暑月久立溫熱鬱蒸滯
不和發熱冬月寒天氣冷或發麻疼痛悶亂晴陰並
皆發富貴之家亦有此疾

蓬朮 元胡索 蛤粉 陳皮 檳榔末 生薑

切紫蘓 陳橘

右為末每服二錢燒黑豆五十粒以湯一盞生薑三片煎至五分去滓調前藥服

三和丸 專治腳氣

皂角 破故紙 黑牽牛 核桃肉

右為末酒糊為丸如梧桐子大每服五十丸溫酒下木瓜湯亦可

檳榔湯 治腳氣少府監韓正彥暴得手足不舉諸醫

以風針灸臂捷不知痛孫兆作脚氣藥乃愈

檳榔 石斛 黑牽牛 木瓜

右以水一大盞煎七分去滓稍熱服治脚氣衝心痛
悶用童尿煎服治心患痛溫酒調下

治脚氣

出本草

右以鈎樟木作湯浴之

治脚氣

出本草

右以毛蓼煎湯濯足

曹公鍾乳丸 治脚氣久虛脉来沉細宜補

煉成鍾乳粉

三兩

石斛

二兩

吳茱萸

二分

菟絲子

炒二兩

右除鍾乳粉外搗羅為末鍊蜜和丸如梧桐子大每服三錢食前以人參棗湯下如覺氣壅即服踈氣藥勿令太過

赤小豆煎方

出聖濟總錄

治脚氣

赤小豆

二升半

杏仁

桑根白皮

剉各一兩

生薑

切一兩半

右搗篩以水三升煎至一升半去滓更入茱萸半分

蜀椒末半分再煎一兩沸冷如膏蜜收每匙頭空心酒調服

木瓜丸 治腳氣諸病

乳香

一兩

甘菊花

一兩

青鹽

二錢

木瓜

一枚

右先破木瓜作兩瓣去穰並子入乳香等三味在內却以綿繫定於瓶中蒸令爛熟研細成膏丸如梧桐子大每服五十丸溫酒下日三服病甚者更加丸數服百日汗香為驗腳膝等疾并可服

雙香散

出經驗良方

治腳氣

香蘼散

錢五

金鈴子

三枚

木香

半錢

右作一服水一盞半生薑三片棗一枚同煎至七分

空心進二服

大安補散

出海上方

治腳氣

大附子

一個

桂末

錢一

薑末

錢一

右三味水二盞葱白三寸煎七分先喫葱白次服藥

忌甘草十日

千金散 治脚氣兼治腎臟風攻注膝

右用連州甘遂懸掛紙籠中却切川芎作片子如燒
爐香熏之燒川芎盡將甘遂為末量病人虛實每以
三四錢或一二錢用獾猪腰一對去筋膜糝藥於內
以濕紙裹煨熟臨臥細嚼以溫酒送下盡量飲至醉
却以物攪起兩足至明取下惡物水數升以茴香末
糝煮粥次服大安補散

烏頭丸

出海上方 治脚氣

黑牽牛 川五靈脂 大烏頭

右生為末糊為丸如梧桐子大每服三十九空心食
前鹽湯服或酒任下

木瓜散 專治脚氣

乾木瓜 兩一 紫金皮 兩二 香附子 兩三

右為末每服三錢空心鹽酒調下五日見效日三四
服

椒囊 出海上方 治脚氣

僕丁酉歲在臨安約婺州親戚吳寬夫泛湖是時
劇暑見其用火踏上置一布囊烘足叩其所以答
云某脚氣之疾近得一方用川椒二三斤實於踈
布囊中置火踏上跣足踏椒囊蓋椒氣性熱辟去
寒濕氣言甚有理用之月餘亦漸見效庚子歲在
淳安寬夫經過因問其疾云愈之已久乃椒囊之
力也不特某用之效傳之數親知皆無恙也真奇
方壬寅再來臨安適於賓次中邂逅王成之時為

都司見其用火踏亦有一布囊問之豈非椒乎云
又添破開檳榔并熟艾各三之一且云果是甚妙
大抵足膝之病居下屬陰又加寒濕陰益甚矣血
氣惟冷凝結非至熱不可除今用川椒椒性熱復
加以火蒸之自然寒濕去矣信乎處方之妙也

蒜酒 治初覺似有腳氣宜服

蒜二升 桃仁一升 豉一升

右以生絹袋盛內淨瓷甕中用好酒一斗浸密封頭

春夏五日秋冬七月初服半盞加至一盞惟量飲之
日三四服當令有酒色更入酒五升加好椒一二合
用良

牽牛子散 治脚氣

甘遂 黑牽牛

右為末以猪腰子去膜竹刀批開內藥於瓦瓶中煎
熟用白酒調二錢中嚥腰子酒醒痛止

又方

右用蝦蟇藤一束暴乾為末用鹽及白酒一盞加水
二盞先將藥末水調頻攪花謝却將前藥酒調開併
作一服次用後藥

鳳尾草

錢四
炒一錢

右為末將二味和勻卧用時侵晨將魚鮓蘸藥末喫
要飽候吐痰為度然後服後藥

前胡 麻黃 杏仁 桔梗 半夏 茯苓 甘

草 生薑

右為散加桑白皮水煎服之

乳香木瓜丸 專治遠年近日腳氣

乳香 血竭

右等分另研為細末用好木瓜一个竹刀去皮心批取頂蓋將末藥攪勻却用批下頂蓋合續以麵裹之約半指厚於鍋內煮熟極爛為度連麵石臼內杵如泥丸如梧子大每服三十丸漸加至四十丸空心溫木瓜湯送下乾物壓之忌動氣及生冷濕膩之物

甘驚散

出本事方

治脚氣

連珠甘遂

一兩木鼈

去殼一雌一雄取好者

右為末猪腰子二箇批開藥末一錢糝勻紙裹數重
火煨熟放溫五更初細嚼米湯下如左腿患則用左
腰子右脚患則用右腰子藥末止須一錢○毗陵有
姓馬人鬻酒宿患腎臟風一足發腫如瓠自腰以下
鉅細通為一律痛不可忍卧欲轉側用兩人挾持方
可動或者欲以刀尖批之予用此方合藥以服至五

更初細嚼米飲下至辰巳間下膿如水精者數升及明
痛止腫退一月尚跛倚而行子再以赤烏散令塗貼
其膝方愈後十年毗陵子率其子列拜以謝云向脚
疾至今不復作并積年腎臟風亦已失去今速步不
難矣

治脚氣兼治頭風

香附子

一兩甘草

半兩

右咬咀每服四錢水二盞帶鬚葱白五寸薑三片煎

至八分通口服頭風食後脚氣食前服

又方 治脚氣舉發立止

鷺鷥藤 蒼耳草子

右酒浸一宿放火旁次早喫先以草藤燒水熏洗

治脚氣已經驗方

活鯽魚

一尾
去鱗肥皂

一个
去子

右同鯽魚碎搗如泥傳於脚痛處用絹包之即愈

枳殼散 疏導毒氣

枳殼

兩 藥五

甘草

炙一兩半

右為末每服二錢濃煎木瓜湯調下如要快利便更

加麻仁

仙靈丸

治腳氣久不瘥宜服神效

歲靈仙

乾者半斤 牛膝半斤

右為細末酒糊丸如梧子大每服五十丸空心木瓜

酒下

牛膝酒

治腳氣冷著厚綿衣蓋覆不覺暖者

生牛膝

生地黄

各半斤

右搗如泥作團以紙裹外更以黃泥固濟微火炙泥有裂處待乾即於地爐中灰火養半日漸漸灰火燒之加至火三斤燒一復時取出候冷去泥紙搗羅為散每服五錢酒一盞半以瓷器煎七分和滓食前頓服之老小如意加之

仙朮木瓜丸 治脚氣蘓生瑩叟與楊梅卿云親曾得

效

右用宣州大木瓜三箇去皮切下蓋剗了用青鹽六兩許放在三箇木瓜內於飯甑上蒸三四次研爛先須以蒼朮二斤米泔浸三日取出黑豆一升汲取長流河水攪淨二味同煮以水乾為度去黑豆不用只將蒼朮切作片焙乾再入白茯苓六兩同碾為細末却以研爛木瓜為丸如梧子大每服五十九空心溫好酒鹽湯送下一月有效

治脚氣

右用豉三斗蒸一石米下暴乾如是三上以酒五斗
浸漬之七日去滓飲惟醉為佳酒內更以二斗米浸
漬之飲如初

神授方 治腳氣神效

右用木鱉子每箇批作兩邊麩炒炒畢切碎再炒用
猪皮帑滲盡油為度每服一兩用肉桂一兩同為末
合熱酒調服以醉為得蓋覆得汗即愈一方名夢中
神授方

神效膏 治脚氣膝腫痛攣縮不可行

右用不蛀皂角一挺灰火中煨去皮核為細末却入
平胃散半帖米醋調敷腫痛處立效或有用者先以
生鐵秤鎚煨紅淬米醋中以熱氣熏痛處少定再以
葶麻子數粒研細貼脚心下然後傳藥蘓干之運幹
染此疾親用之及傳他人皆驗得之於蕪湖轉般倉
中一納米人

治脚氣

右用五積散每服加檳榔一枚切碎依法同煎服藥
之後用被蓋覆令腿股間少出汗為佳一方加木瓜
並吳茱萸煎如赤腫加大黃以利為度

治脚氣

右用四味理中丸去人參增紅麴每服二錢白湯點
服或蜜丸亦得空心服神效

治脚氣

右用木瓜去瓢實以十華散同蒸候熟一處細研如

或覺爛即添散以丸得為度如梧桐子大每服三十丸用溫酒鹽湯下

治腳氣

右用豉酒浸以滓傳腳愈

治腳氣

右用生附子一箇去皮碾細乾柿十枚去蒂不切以好無灰酒三升於砂石器或銀器內煮候酒乾取去即研爛蒸餅和令燥濕得所丸如梧桐子大每服三

十九於空心鹽酒下一方臨睡冷水下三十丸

烏藥酒

治腳氣發動鄉村無處問藥恃此效

右用土烏藥即是矮樟樹根取如蘿蔔者不用鐵器亦不須過水乾漉布揩淨用磁片刮屑收於磁器內盛如飲得酒一升或半升取出酒浸一宿次日空心時磁器熱湯上坐溫服有麝香入少許尤妙一服即安妥無麝香多服後澹泄病去

治腳氣

右用赤小豆五合葫蘆一箇生薑一塊商陸根一條
以水煮豆爛為度去滓細嚼豆子空心食之旋旋啜
其汁嚥下腫立消便愈

桃紅散 治脚氣舉發立止

右用帶節蘓木不拘多少為細末每服三五錢以水
二盞煎至一盞半和滓空心熱服乾物壓之若進至
三服至老不發

至驗方

右用續命湯須兩料候遍身得汗如續命湯香疾乃
可去體有宜興王侍郎之孫為歸安縣尉三世並有
此疾皆服之去根

方見中
風門

治脚氣不問遠近

右用紫蘓飲子加黑牽牛白芷破故紙木瓜川練子
一同煎吞騙馬丹

治一切氣及脚氣

右取食鹽三升蒸候熱分裹布囊脚踏之令脚必熱

或又取食鹽和槐白皮蒸夜熨亦良

治脚氣

右用赤小豆和鯉魚爛煮食之別有諸治具載在魚
條中散氣去關節煩熱令人心孔開如止小便數菜
豆赤豆皆可用暴利後氣滿不能食煮一頓服之即
得愈

治脚氣

右用孔子藤二斤石斛五兩酒二斗浸服之

治患腳氣

右用良薑每早任意頓食午後少食日晚不食如飢
亦可食豉粥若暝不消欲致霍亂者即須以高良薑
一兩打碎以水三升煮取一升頓服盡即消待極飢
時乃食一碗白粥其藥惟極飲之良若卒無良薑以
母薑一兩代之以清酒一升煮令極熱和滓飲之雖
是不及良薑亦有效矣

治腳氣

右用五積散三兩加荊芥五錢葱白五根熬湯先熏
之後洗腫脚疼仍用膏藥貼之就以藥水烙痛處極
其妙屢用有驗

五積散方
見感冒門

治一切脚氣

右用穀白皮五升炙勿取斑者有毒取水一斗半煮
之取一升去滓煮米粥常食之

木瓜丹 治脚疼重不能遠行久立常服補腎氣調血
脉

右用宣州木瓜一箇杜木瓜大者亦可用取去穰膈
旋切出蓋子用好艾填在木瓜內須滿實却用蓋子
上覆竹簽之放定飯甑上蒸爛次再入羌活一兩及
獨活二兩附子半兩同炮為末先杵木瓜令爛次下
前藥末搗成膏丸如梧桐子大食前溫酒或鹽湯下
每三五十粒

治腳氣

用蜈蚣瓢搗碎取汁刷之佳

治脚氣

右用紅豆搗爛用生薑汁熱調之敷痛處

治脚氣

右用五積散去麻黃乾薑排風湯沉香附子湯及烏藥順氣散去麻黃乾薑酒浸數日為末如梧桐子許大每服五六十丸溫酒送下

治脚氣

右用赤小豆南星末生薑汁調敷之

烏麻酒

右用烏麻五升微熬搗碎以酒一斗漬之一日隨量取飲之盡更作甚良

治脚氣

右用生料五積散一貼蘓木半兩煎湯有顏色去滓淨即用蘓木水煎五積散加木瓜米半兩木香一錢又爐香一錢入藥同煎食前服

全蝎地龍丸 專治脚氣

殭蠶

兩半

地龍

兩全

蝎

十四枚

川山甲

兩半

黑牛豆

二粒

赤足蜈蚣

一條

草烏

兩半

右為末糯米醋炙糊為丸如菉豆大日間每服十五丸麝香酒送下臨卧時以壁土及香白芷為末冷水調敷疼處米醋尤妙吃罷如人行四五里後以荊芥湯煎茶喫一錢藥即行無忌

天門冬煎丸

治腳氣

生天門冬

半三升

枸杞根

半三斗

酥

升三

鹿髓

升一

牛髓

升一

生地黃

三升半

右六味先將天門冬枸杞地黃三味搗汁以水一石入大釜中煮取五斗三升却入鍋中重煎至一斗收入銅器中入後藥

桂去粗皮

白朮

萎蕤

菖蒲

遠志

澤瀉

山

芋

人參

石斛

牛膝

杜仲

細辛

蔓荊

實

獨活

枳殼

芎藭

黃耆

肉蓯蓉

續

斷

狗脊

華蘼

白芷

巴戟天

五加皮根

覆盆子

陳橘皮

胡麻仁

大豆捲

白茯苓

苓

各二兩

甘草

石楠葉

栝子仁

各一兩

阿魏

十鹿兩

角膠

五兩

薏苡仁

一兩

蜀椒

一兩

大棗

一百枚

右三十七味為末內前三味煎中更入鹿髓牛髓酥

等重湯煮攪勻可丸即丸如梧桐子大每服二十九

空心溫酒下加至四十九此藥宜服於朧月王相日

修合若小便澀去栝子仁加秦艽二兩地黃六兩若

陰萎再加五味子二兩若頭風去栝子仁加菊花防

風各二兩若小便和陰氣弱去細辛加防風山茱萸
各二兩若腹中冷去防風加乾薑二兩如臍月修合
經夏至七月下旬即服之當於舍北入地深六尺填
沙置藥沙中上加土覆之婦人如有舊患熱者宜服
冷者不宜時服見效

治脚氣

右用生香草連根煎湯薰洗

木瓜散 治脚氣

大腹皮 紫蘗 乾木瓜 甘草 木香 羌活

右咬咀分作三服每服水二盞煎至一盞通口服

鹿茸煎方 治下元虛憊而受證者宜飲之

右用鹿茸三錢燒灰為細末作一服好酒調空心時服五積散一兩加馬蘭子荊芥子各五分水十升熬至數沸去滓以盆盛水先炙熱上金絲萬應膏藥貼緊在痛處腫處放脚在盆上如法安定蒸熏熱氣隨即用手拍蘸藥水趁熱於膏藥淋烙以熱為上如水

微溫再以火上燒熟又熏又烙如此三五次則痛頓
覺減矣其效如神後加五味流氣飲子服之或用木
香流氣飲子方見諸氣門每服四錢加木瓜石菖蒲
川牛膝乳香沒藥各一錢為一處令勻作一服以水
二盞生薑五片棗一枚同煎至一盞去滓空心服滓
渣再煎連進數服

犀角旋復花湯 治腳氣疾得之有漸或微覺疼痺或
覺兩脛腫滿或行起澁弱或上下腹不仁或時冷熱

小便秘瀝喘息氣衝氣急欲死食嘔不下氣上逆者
皆其候也若覺此證先與此藥

犀角

旋復花

各二兩

橘皮

茯苓

生薑

各三兩

大

棗

七枚香豉

一升紫蘓莖葉

一握

右呖咀以水八升煮取二升七分三服相去十里
再服之以小便利為度一方若小便澀者加桑白皮
炙剉二兩

又方

出聖濟總錄

治腳氣

吳半夏

三兩生薑汁二升

右二味用水五升煮取二升去滓一服盡每日一劑

三劑必好禁羊肉錫

治脚氣初覺著脚

右用香豉一升小便一升和漬少時令有稠色去滓至平旦空腹服日三未愈復作服以瘥為度

治氣滯風壅手臂脚膝疼痛

右用酢糟裹之三兩易當瘥

牛膝丸 治脚氣

草烏 荊芥 續斷 萆薢 牛膝 破故紙

骨碎補 黑牽牛 香附子 當歸 川練子

何首烏 赤小豆 石楠葉 防風 芍藥 烏

藥 地黃 木瓜

右等分為末酒煮麵為丸每服三十丸空心鹽酒湯

下

三香散 治脚氣

檀香 麝香 穿山甲 沒藥 白膠香 紅麴

川烏 全蝎

右為末每服二錢空心溫酒調下

又方

小續命湯 石榴丸

右入木瓜內蒸九次杵和成膏為丸每服三十丸用

木瓜湯調下

治脚氣痛入腹

右用杜仲烏藥同鷄子瓦磁中煮一日藥透取鷄子
出切片蘸鹽煎散末服效

七聖散 治脚氣

平胃散 丁香平胃散 棗肉平胃散 木香勻

氣散 沉香降氣湯 復元通氣散 流氣飲每服

貼一

右用八角茴香麝香大蒜去心皮用火醋調麪火煨
候蒜香熟取出蒜白杵拌和前藥如梧子大用茶芽

與燈心同煎湯空心下一連三服頃刻移步見效
敷貼腳氣藥

大戟 茱萸 大黃 官桂

右等分為細末酸醋調敷痛處

草烏丸 治腳氣

草烏 五兩 全蝎 五七
水浸 枚

右為細末煮清糊候冷入麝香少許為丸如梧桐子
大每服十九空心溫酒下極妙

木瓜敗毒散 治一切腳氣

右用宣木瓜一枚無則尋常木瓜亦可去穰入呖咀以自合敗毒散實其中入酒調藥蒸熟將瓜切片曝令乾同敗毒散入水煎空心服

平胃散 治腳氣

用平胃散一貼入大蒜研爛服之有效

蒼芎千里飲 治久近腳氣

蒼朮 乾木瓜 白芍藥 川芎 人參 枳殼

白茯苓 甘草 大黃 陳皮 半夏 桔梗

各二錢 前胡 乾葛 紫蘓 木香 各三錢

右㕮咀每服二錢水一碗半生薑七片煎至一碗去滓食前溫服如服此藥先用大蒜三頭剥去皮洗淨搗細捻作餅子貼所患脚心外用絹帛傳之覺脚心微有蒜氣便溫前藥頓服象守紀智立傳親見劉監稅用之取效

木瓜散 治脚氣

鷺鷥藤 木香

赤芍藥

各一錢

右用香薷散一帖同煎去滓服

四製丸 治腳氣

製蒼朮

二兩乾木瓜一兩
好酒一升煮乾

蒼朮

一兩木瓜一兩水
一升入鹽二兩煮

乾為
度

右用瓦器煮焙乾為末酒糊丸如梧子大空心溫酒
下三五十九婦人醋湯下

牛膝湯 治腳氣有驗

牛膝

斤一

白茯苓

人參

各一兩

當歸

兩半

右為細末酒調服

又方

專治腳氣

右用敗毒散加木瓜煎服

加味火坎丸

治陽證腳氣

火坎草

斤九

枯松枝

兩二

石楠枝

斤一

革解

兩半

石膏

兩三

右為末醋糊為丸每服三十丸空心服

虎骨丸

治腳氣兩腿腫行步艱難

蒼朮 防風 草薺 杜仲各三兩 虎骨 金毛狗

脊二兩
去毛

右件為細末酒煮麵糊為丸如梧子大每服五十丸

湯酒任下

石楠丸 治脚氣痛楚不可履地

石楠葉一兩 淡木瓜一兩 烏藥一兩 續斷一兩 綿黃耆一兩 黑

狗脊一兩 地龍一兩 川烏半兩

右件為細末酒糊丸如梧桐子大每服十丸加至二

十九服久加至三十九空心食前溫酒吞下如疼痛不堪忍者煎木瓜湯下

寬筋丸 治風壅氣道不宣筋脉拘攣難以屈伸兼治脚氣疼痛

防風 荊芥 麻黃 乾木瓜 獨活 各一兩 牛膝

兩半

右剉碎用好酒浸二宿漉出焙乾為末草烏頭二兩黑豆一兩用水五碗煮令乾去豆薄切烏頭焙乾亦

為末和勻醋糊丸如梧桐子大每服十九漸漸加至
二十九溫茶好酒食後服

蒼朮羌活湯 治脚氣無力沉重

羌活

錢三

防風根

半

錢一

柴胡

半

錢七分

升麻

錢一

獨活

錢一

葛

錢一

錢一

錢一

根熟甘草

錢半

黃耆

錢二

蒼朮

錢一

橘皮

分六

縮砂皮

錢一

錢一

錢一

錢一

錢一

錢一

錢一

錢一

草豆蔻皮

錢半

黃柏

錢半

知母

半

錢二分

生甘草

梢半

錢半

錢半

錢半

錢半

錢半

錢半

錢半

錢半

錢半

右分作二服水三盞煎至一盞去滓熱服

鐵角丸 治久新脚氣膝脛腫痛脚心隱疼行步艱難

或攻衝作瘡膿血不止

鐵角歲靈仙 黑牽牛 草烏頭 陳橘皮 金

鈴子

右件各等分為細末酒煮麵糊為丸梧子大每服十
丸至十五丸空心用白湯送下以少點心壓之忌溫
麵並茶等物

加減小續命湯 治男子婦人脚氣

何首烏

四川牛膝 兩
草烏 兩半

右為細末先用木瓜二箇好酒二升小鍋煮十分爛
去皮穰研和前藥硬燥用煮木瓜酒添搜九梧子大
每服三四十丸酒下常服除根

芎仙丸 治久新脚氣腿膝腫痛或攻注生瘡

川烏十兩白芍藥五兩歲靈仙三兩

右件為細末用蘿蔔自然汁打麵糊為丸如梧子大
每服五十丸再用蘿蔔自然汁少許同溫酒半盞送
下空心臨睡服忌茶

療腳氣方

附子

甘草

各五兩

右二味同細剉以水五斗煎取二斗半置盆中以板子濶三寸許橫湯上共水面平腳踏板上以湯將腳浴水冷即休此湯得四五度用腳氣永除此方多驗敗毒散 治三陽脛腫腳氣踝上赤痛寒熱往來

人參 茯苓 甘草 前胡 川烏 羌活 獨

活 桔梗 柴胡 枳殼

各等分

右呿咀薑薄荷煎熱服加蒼朮熟多加大黃芒硝

行氣散 治血氣不和脚氣頻發不問冷熱及補藥云

脚氣無補法者非也大疏通

紫蘓

香附

各二兩

陳皮

一兩

甘草

半兩

木瓜

烏藥

檳榔

蘓木

羌活

蒼朮

各半兩

右呿咀薑葱煎熱服

推氣丸

治脚氣作吐飲食不進大便不通手心熱口

舌燥

大黃 枳實 青皮 檳榔 黑牽牛

生各一兩

麻仁

半一兩

右為末以麻仁碾為膏取藥末一兩同拌再碾用絹羅過去滓却將麻仁和入餘藥用不蛀皂角煮汁麴入汁作糊為丸如梧桐子大每服四五十丸熟水下得利即止

順氣丸 治脚氣欲發大便先閉

大黃

五兩半

車前子

檳榔

麻仁

牛膝

郁李

仁 兔絲子

山藥

各二兩

防風

山茱萸

枳殼

獨活

各一兩

右為末蜜丸如桐子大茶酒米湯任下此藥補益通

利疏風順氣如虛弱人難服推氣丸宜服順氣丸

烏白散 治脚氣發則脚骨痛苦甚者奇妙

草烏

四兩 桑白皮

八兩

右㕮咀水三升煮豆一升去滓好酒和藥水溫服用

瓦瓶忌鐵器

李降兵部手集方 著此法云昔有人患脚氣服此得

效

出風科
集驗方

右用赤小豆作袋置足下朝夕輾轉踐踏之其疾遂
漸愈赤主丹毒

檳榔丸 治脚氣攻衝腿膝腫痛

檳榔 赤芍藥 白朮 當歸 陳皮 青橘皮

烏藥

上七味
各一兩 甘草
炙半兩

右件搗細末麵糊為丸如梧桐子大每服七十丸空

心食前熟水下

木瓜丸 治腳氣極效

破故紙 川草薢 乾木瓜 杜仲 茯神 茴

香 川牛膝

右為細末麵糊為丸如梧子大湯酒任下

全蝎丸 治腳氣

檀香錢一麝香 川烏各二錢沒藥 紅麴錢五白膠香

五錢穿山甲三錢全蝎一錢

右麵糊為丸每服三十丸空心溫酒下

烏靈丸 治男子脚氣不能伸屈及癱瘓手足不隨

烏草

一方草烏

烏豆

各二兩用
好醋浸

葳靈仙

各一兩

右並為末醋煮麵糊為丸如梧桐子大病上食後溫酒吞下病下空心服十丸至二十丸

烏藥丸 治脚氣徹骨痛不能行履者不過三服見效

木鱉子 白芍藥 草烏 葳靈仙 北細辛

沒藥

右等分為末薄糊為丸如梧子大每服七丸至十丸
食後木瓜湯下或酒下亦可以身上覺麻痺即是效
或未效可添十五丸量虛實不可妄增丸數亦不可
於食前服之有草烏頭在其間最忌服後以熱食物
衝動烏頭毒則昏不知人矣

地黃湯

出朱氏
集驗方

治穿心腳氣

熟地黃

四川

當歸

兩芍藥

川牛膝

三柰子

杜仲

兩半

右呶咀每服三錢水一盞半煎至八分不時服

地仙丹 治男子婦人陽證腳氣痛

錢子地龍 五靈脂 天台芍藥 白膠香 葳

靈仙 木瓜 赤小豆 黑豆 天仙藤 淮烏

五加皮 木鱉子 蒼朮 樹紅

右等分為細末酒糊為丸如梧桐子大每服七十丸

空心鹽酒湯任下

鷄鳴散 治腳氣第一此藥不問男女皆可服如人感

風濕流注腿足痛不可忍用索懸吊叫聲不絕筋脉
腫大

檳榔

七枚

木瓜

各一兩

吳茱萸

二錢

桔梗

半兩

生薑

半兩

紫蘂莖葉

三錢

右為麤末分作八服隔宿用水三大盞慢火煎留碗
半去滓留水二碗煎滓取一小碗兩次以酒煎汁相
和安頓牀頭次日五更分二服只是冷服冬月畧溫
亦得服了用餅餌壓下如服不盡留次日漸漸喫亦

可服此藥天明大便當下一碗許黑糞水即是原腎
家感寒濕毒氣下來也至早飯前後痛漸住只是放
遲喫物候藥力過此藥不是空藥並無所忌

治脚氣流注四肢指節腫痛不可屈伸法當先服搜風
麻木之劑然後服此藥婦人尤宜

川烏 當歸 芍藥 附子

右等分以薑十片煎空心服之

栳榔湯

出澹寮方

治脚氣順風防壅

栝榔 香附子 陳皮 紫蘓 木瓜 五加皮

甘草

炙各一兩

右咬咀每服四錢水一盞半薑五片煎至八分去滓
溫服婦人脚氣多由血虛加當歸半兩室女脚氣多
由血實加赤芍藥一兩半大便秘結虛弱者加枳實
壯熱者加大黃並不拘時一方治脚氣衝心大便秘
澀宜服三和散亦曾有人加杜仲烏藥春夏常服脚
氣遂不復作亦妙方也

治脚氣

出本草方

右以巴戟天兩半糯米同炒微轉色用大黃一兩剉碎炒同為末熟蜜為丸溫米湯服五七十九丸有人嗜飲酒日須五七盃後脚氣甚危或教以此方仍禁酒疾遂愈

治脚氣衝上小腹急硬

右以田螺煮食之

脚氣丸 治一切脚膝沉重疼痛腫滿

川烏

取末五兩

木瓜

枚二

牛膝

錢七

巴戟

錢七

青鹽

兩一

肉苁蓉

一兩天麻

一兩防風

半一兩海桐皮

半一兩甘草

草薢

金毛狗脊

半兩去毛

右件先将木瓜用竹刀切下盖子剝去子却填熟艾末令滿將盖子蓋定用竹簽簽住入飯甑內蒸爛將烏頭末同木瓜研勻次將藥為細末用和為丸如梧子大每服三十九至五十九空心溫酒送下一方燕治婦人產後脚軟行履不得筋骨疼痛加羗活乳香

沒藥三味各一兩

治閉結并脚氣方

大螺

右一味搗用神驗饒醫熊產誠年五十五歲病前後
便閉不通五日腹脹如鼓同輩環視皆不能措力與
西湖妙果僧慧月相善遣信邀致訣別月驚馳而往
過釣橋逢一異客風姿瀟灑出塵揖之曰方外高士
何子子走趨如此曰一善友患結勢不可療急欲往

問客曰此易事也待奉施一藥即脫鞋入水探一大螺而出曰事濟矣持抵其家以鹽和生搗碎置病者臍下一寸二分用寬帛緊繫之仍辦濁器以須其通月未深以為然姑謝之熊昏不知人事妻子涕泣諸醫知無他策漫以試之曾未移席忽然暴下醫愧嘆而散月歸訪異人無所見矣熊後十六年乃終白石董守約以脚氣攻注為苦或教之搥數螺傳兩股上便覺冷氣趨下至足既而亦安

療脚氣破冷氣疰癖

右取鯉魚鱗用絹裏和魚煮炙熟後去鱗食之驗

治脚氣

出本草

右以麋皮作鞋穿

治脚氣

出本草

右以紅草為湯浸之

治脚氣

出本草

右以枕材煮湯浴浸之

治脚氣風氣諸惡氣

右以鯉魚大者洗去泥開肚以椒末半兩切碎大蒜
三兩顆內魚腹中縫合并和小豆一升煮之臨熟下
白蘿蔔二五顆如指大切葱一握煮熟空腹食之并
小豆等強飽盡食之至夜即洩氣無限三五日更一
頓食并下一切惡氣

普濟方卷二百四十

欽定四庫全書

普濟方卷二百四十一 明 周王朱橚 撰

腳氣門

一切腳氣

附論

夫太陽經腳氣病者頭痛目脫項強腰脊連體樞循髀
外出外踝之後循京骨至小指外側皆痛者乃足太陽
膀胱經為風寒暑濕流注自汗者為風勝無汗疼痛為寒
勝熱頑為暑勝重者腫滿為濕勝諸經皆當如此推究

太陽經隨四氣發散愈此太陽經腳氣治法

方

麻黃左經湯 治風寒暑濕流注足太陽經手足攣痺
行步艱難增寒發熱無汗惡寒或自汗惡風頭痛暈
眩腰重關節痛

麻黃 乾葛 細辛 白朮 防己 桂心 羌

活 防風 甘草 茯苓

各等分

右㕮咀每服四錢水二盞薑三片棗一枚煎至七分

去滓空心服自汗去麻黃加桂芍藥重者加橘皮無汗減桂加杏仁澤瀉所加並等分

少陽經脚氣證病者口苦善太息脇痛面垢體無膏澤頭額目銳背痛缺盆并腋下馬刀腫自汗振寒發熱胸中脇肋髀膝外至脛絕骨外踝及諸節指皆痛者乃是少陽膽經為風寒暑濕流注之所為四氣偏勝例如前說治之宜隨四氣和解少陽經脚氣治法微別於太陽治方貴參之

半夏左經湯 治足少陽經為風寒暑濕流注發熱腰

脇痛頭疼眩暈嘔吐自汗耳聾驚悸熱悶心煩上氣

喘滿肩膝腿痺縱緩不隨

半夏湯浸去滑乾葛 細辛 白朮 茯苓 桂心不見

火防風 乾薑 黃芩 小草 甘草炙 柴胡

麥門冬去心各二兩

右剉散每服四錢水一盞半薑三片棗二枚煎七分

去滓空心服熱悶加竹瀝喘滿加杏仁桑白皮

大黃左經湯 治風寒暑濕流注足經使腰脚痺痛行

步艱難涎潮昏塞大小便秘澁腹痛嘔吐或復下利
惡聞食氣喘滿肩聳或自汗譫語妄言

大黃 細辛 茯苓 防風 羌活 黃芩 前

胡 枳殼 厚朴 甘草 杏仁

右剉散每服四錢水一盞半薑三片棗二枚煎七分
去滓空心熱服腹痛加芍藥秘結加阿膠喘加桑白
皮紫蘊小便秘加澤瀉四肢瘡癬浸淫加升麻所加

並等分

三陽并合脚氣證病者增寒壯熱自汗惡風或無汗惡寒眩暈重者關節掣動手足拘攣疼痛冷痺緩縱不隨心燥上氣嘔吐下利皆三陽經中風暑濕其脉浮弦緊數

大料神秘左經湯 治風寒暑濕流注足三陽經手足拘攣疼痛行步艱難增寒發熱自汗惡風頭眩腰重關節掣痛或卒中昏塞小便秘澀或腹痛嘔吐下利

惡聞食臭髀腿頑痺緩縱不隨熱悶驚悸心煩上氣
臍下冷痺喘滿肩息

麻黃 乾葛 細辛 厚朴 茯苓 桂心 防

己 枳殼 羌活 防風 柴胡 黃芩 小草

白薑 半夏 甘草 麥門冬

去心各等分

右剉散每服四錢水一盞半生薑三片棗三枚煎至
七分去滓空心服有汗加牡蠣白朮去麻黃腫滿加
澤瀉木通熱甚無汗減桂加橘皮前胡升麻腹痛吐

利去黃芩加芍藥附子炮大便秘加大黃竹瀝喘滿
加杏仁桑白皮紫蘊所加并各等分凡有此病詳認
證狀逐一加減無不愈者常服下氣消痰散風濕腿
腫退飲食令人不虛

加減敗毒散 治三陽經脚氣流注脚踝上焮熱腫寒
熱如瘡自汗惡風或無汗惡寒

羌活 獨活 前胡 柴胡 枳殼 桔梗 甘

草 人參 茯苓 川芎 大黃 蒼朮

米泔浸
各等分

右剉散每服四錢水一鍾半薑三片薄荷二錢煎七分去滓熱服不過二服愈皮膚瘙癢赤疹加蟬蛻煎太陰經脚氣證病者腹滿挾咽連舌系急胸痛脇痞滿循脛骨上膝股內前廉內踝過核骨後連足大指之端內側皆痛者乃足太陰脾經為四氣流注之所為也四氣偏勝並如前說治之各隨其氣所中輕重溫散之

六物附子湯 治四氣流注於足太陰經骨節煩疼四肢拘急自汗短氣小便不利惡風怯寒頭面手足時

時浮腫

附子

桂心

各四兩

白朮

三兩

甘草

炙三兩

防己

四兩

茯苓

三兩

右剉散每服四錢水二盞薑七片煎七分去滓溫服

少陰經脚氣證病者腰脊痛小指之下連足心循脛骨

內踝入跟中上腠內出腠內廉股內皆痛上衝胸咽飢不

能食面黑小便淋閉咳吐不已善恐心惕惕若人將捕

之狀小腹不仁者難治此足少陰腎經宜溫散之

八味丸 治少陰腎經脚氣入腹不仁上氣喘急嘔吐
自汗此證最以腎乘心水克火死不旋踵及小腹不
仁者速治之

牡丹皮 澤瀉 茯苓 附子 桂心 山

各三兩

各二兩

茱萸

各四兩

山藥

各四兩

熟地黃

八兩

右為末煉蜜丸如梧子大每服五十丸溫酒米湯食
前送下

厥陰經脚氣證病者腰脇偏疼從足大指連足跗上廉

上膈內廉循股內陰器抵小腹夾臍諸處脹痛兩腳攣
急噉乾嘔逆飧泄者足厥陰經為四氣流注之所為也
四氣偏勝並如前說各隨其氣所中輕重調理之

神應養直丹 治厥陰肝經為四氣所流注左癱右瘓
涎潮昏塞半身不遂手足頑麻語言謇澁頭眩目昏
牙關緊急氣喘自汗心神恍惚肢體緩弱上攻頭目
下注脚膝縈氣凝津遍身疼痛兼治婦人產後中風
角弓反張墮車落馬打撲傷損瘀血在內

當歸 天麻 川芎 羌活 白芍藥 熟地黃

各等分

右為末蜜丸如鷄子大每服一九木瓜兔絲子浸酒下
脚痺薏苡仁浸酒下中風溫酒米湯下

乳香宣經丸 治體虛風溫寒濕四氣相搏半身不遂
手足頑麻骨節煩疼足脛浮腫惡寒發熱漸成脚氣
肝腎不足四肢攣急遍身攻注或閃打撲跌內傷筋
骨及風邪內搏男子疝氣婦人經脉不調常服活血

止痛補虛壯筋骨

葳靈仙 烏藥 茴香 川棟子 牽牛 橘皮

萆薢

防風

各三兩

五靈脂

乳香

各半兩

草烏

右為末酒糊丸如梧桐子大每服五十丸鹽酒任下
婦人醋湯下食前服

四蒸木瓜丸

出危氏方

治肝腎脾三經氣虛為風寒溫濕搏

着流注經絡竭日曠歲治療不痊凡遇六化更變七
情不寧至發動或腫或頑痺及增寒壯熱嘔吐自汗

葳靈仙 黃芪 蒼朮 烏藥

右各半兩以大木瓜四箇切蓋去穰入前件藥仍用
蓋簽定酒蒸熟三蒸三曬取藥出焙乾為末研瓜為
膏搜和丸如梧桐子大每服五十丸空心溫酒鹽湯
任下

川膝煎方出危氏方治肝腎虛為風寒濕毒所中流注腿膝

歷節疼痛如錐刀鍛刺不可名狀

牛膝二兩 烏頭十箇

右不要見銅鐵器及火與日木臼搗碎牛膝再入石磨中磨為末酒糊為丸如梧子大每服四十九用無灰酒一瓶中樣木瓜一箇切作片入瓶中煨木瓜爛為度用此酒下不拘時候然肝氣惡鐵忌則有之不見火日此好事者妄忌且如烏頭牛膝採時豈一向陰乾也

蒼朮散 治一切風寒暑濕令足膝痛或赤腫脚骨節間作熱痛雖一點能令步履艱難膝腿臂髀大骨疼

痛令人痿痺一切脚氣百用百效

蒼朮

黃蘗

各四兩

右剉散每服四錢水一盞煎七分溫服日進三四服

勝駿九

出醫方集成

治元氣不足真氣虛弱及諸寒濕氣進

襲手足拳攣脚指連脚面拘急走注疼痛筋脉不伸
行步不隨常服益真氣壯筋骨黑髭鬚滑皮膚一切
足弱鶴膝諸風並能治之

附子

一枚

當歸

天麻

牛膝

酸棗仁

熟地黃

防風

各三兩

木瓜

乳香

各半兩

射香

一分全蠋

木

香

沒藥

羌活

甘草

炙各一兩

右為細末用生地黃三斤洗淨搗爛如泥入無灰酒四升煮爛如膏以前藥和勻杵令堅每兩作十九服一丸細嚼臨睡酒下地黃膏春夏極多入冬或無地黃只煉蜜為丸如梧桐子大每服五十丸鹽湯溫酒下後加減法

檳榔

萆薢

菰蓉

破故紙

巴戟

右各一兩內熟地黃當歸各減一兩尤妙如服此藥
五七日或半月見效甚速行步如飛乃名勝駿

側子酒 治脚氣雖癢至冬季間常須服此方

側子 乾薑 石斛 丹參 牛膝 甘草 防

風 熟地黃 芎藭 當歸 桂心 五味子

白朮 秦朮 防己 椒 獨活 山茱萸 細

辛 黃芩 茯苓 附子

右咬咀絹袋貯以酒三斗五升浸秋冬七日春夏五

日一服四合日二細細加之以知為度得食羊鹿麋
肉亦得食鷄肉忌海菜菰菜猪肉冷水桃李雀肉生
葱生菜蕪荑酢物

導氣飲 治寒熱脚氣赤腫疼痛心腹膨脹頭面手足
浮腫身體腰背疼痛並治之

羌活 獨活 木瓜 薏米 青皮 陳皮 桑

白皮 大腹皮 枳殼 枳榔 青木香 紫蘗

甘草 大腹子 赤茯苓 木通

右各等分呖咀每服四錢水一盞半煎至七分去滓
食前服熱者加大黃濕者加蒼朮

木瓜牛膝丸 治寒濕脚氣冷濕下注脚弱無力及腎
經虛弱腰膝沉重腿脚腫急筋脉拘攣或時疼痛步
履艱難或更下利日見倦困

木瓜 肉蓯蓉 石楠根 當歸 烏藥 熟地

黃 杏仁 川牛膝 黑牽牛 陳皮 續斷

赤芍藥

右為末酒糊丸如梧桐子大每服三十丸空心木瓜煎湯吞下鹽湯亦可未效用羌活木瓜浸酒或加牛膝溫煖一盞許吞下

大腹湯 治脚氣痺攣寒搏筋脉不能轉側

大腹子 防己 青橘皮 紫蘓莖葉 木通

羌活 萆薢 地骨皮 五加皮 芎藭 木香

訶梨勒皮

右搗篩每服三錢水一盞入生薑半分拍破同煎至

六分去滓食前溫服日晚再服

木瓜牛膝丸 治寒濕脚氣冷濕下注脚弱無力或腫

急疼痛兼治婦人血風大固腎氣壯筋骨

木瓜 川烏 萆薢 茴香 羌活 青皮 青

鹽 狗脊 巴戟 海桐皮

右為末入青鹽和勻將前二味搜和為丸硬再入酒
杵數千下丸如梧子大每服五十丸食前鹽酒湯任
下

術附湯 治寒濕脚氣筋骨手足一切疼痛諸疾

附子 白朮 人參 杜仲 甘草 官桂 川

薑 當歸 牛膝

右為麤末每服半兩水二盞煎至八分溫熱服病在上者食後病在下者食前

騙馬丹 治寒濕脚氣四時疼痛補五臟壯筋骨補精
髓駐顏色黑髮髻健行步宜常服

葫蘆芭 破骨皮 金剛骨 骨碎補 甜瓜子

三十粒 胡桃仁 乳香 沒藥 自然銅

右除自然銅另研外為末醋糊為丸如梧桐子大每服三十丸溫酒送下病上食後病下食前日進三服
烏藥丸 治筋血不足腰脚緩弱行步艱辛一切寒濕脚氣並治之

沒藥 川烏頭 山藥 天麻 牛膝 虎骨
肉蓯蓉

右將木瓜爛蒸研作糊和藥末如丸不就更用元浸

牛膝酒糊搜杵一千或二千下丸如梧桐子大每服
五十九溫酒鹽湯下

木香行氣散 治脚氣風氣走注風寒濕氣及脚生細
黃瘡一切濕瘡止痛去濕除風行氣

黃芪 桑白皮 木通 白朮 木香 黑牽牛

右剉為末每一大錢初更時酒調服煎服或作丸子
服亦可

攢風散 專治寒濕脚氣先用此發散

麻黃 甘草 淮烏 川萆薢

右㕮咀每服四錢水一盞煎服不可多進

五將丸 治寒濕脚氣膝浮腫脚弱沉重不能舉

仙靈皮 牛膝 生木瓜 萆薢 狗脊

右除牛膝外四味用米醋浸逐旋入鍋內炒至醋盡
為度焙乾為末再以醋同浸生牛膝酒打麵糊為丸
如梧桐子大每服三四十九冷酒下食前服

葳靈仙丸 治寒冷脚氣

葳靈仙

木瓜

牽牛

白膠香

右為末薄荷糊為丸如梧桐子大每服三十九溫酒鹽湯調下不拘時候

芍藥甘草湯

治寒熱脚氣腰疼體痛一方治脚弱無

力行步艱辛及胸膈痞滿氣不升降

赤芍藥

甘草

右用水二升煎至一升日三服不拘時候一方為末白湯調服一名中岳湯一方每服三錢水一盞半煎

至一盞空心食前三服

椒瓜湯 治腳氣寒證

大生木瓜 真川椒

右研二味為丸如梧桐子大每服四十九溫酒下扶
虛用核桃肉煎湯下

木瓜丸 治腳氣受濕及腳發轉筋

右用木瓜一箇去皮瓢切下蓋入平胃散在內蒸爛
後研搗乾為丸如梧桐子大每服三十九溫酒下或

用鹽湯下亦可以此膏貼痛處尤大妙一方用生艾
按葉塞滿合蓋竹針定蒸透去艾木瓜皮研入五積
散和丸服

皂角膏

治寒濕脚氣疼痛不可忍者

右用皂角不拘多少炮去皮弦用好醎醋浸三五日
後却將皂角洗醋瀝去滓用砂礮熬成膏後入蔓荊
子并草烏頭胡椒末入朴硝少許却將埋土內去火
銷毒四十九日取出脚痛搽之

治寒腳氣

右用四物湯加小烏沉湯半貼加蓬朮二塊如錢大
外加木香一兩細剉生薑五片入藥再加甘草少許
始用水煎服

治患腳氣感受寒濕虛冷之氣

右用五積散加木瓜菖蒲牛膝乳香沒藥煎服甚妙
可隨宜加減

葫蘆芭九 治一切寒濕腳氣腿膝疼痛行步無力

葫蘆芭

破故紙

右為末用大木瓜一枚切頂去穰置藥在內以滿為度復用頂蓋之以竹針簽定蒸熟爛研同前未盡藥末和丸如梧桐子大每服五十丸空心溫酒下

破故紙丸

治寒腳氣疼痛不止

破故紙

葫蘆芭

牛膝

舶上茴香

肉蓯蓉

川續斷

杜仲

右用艾四兩去枝梗以大木瓜四斤切作合子去穰

淨以艾實之用麻線扎定飯上蒸三次爛研和藥為
丸如梧桐子大每服五七十九溫酒鹽湯下一方無
從蓉金山長老於張顯學甘露寺齋會上說此方云
梁舅患腳氣曾於天台一僧處傳方用木瓜蒸艾服
之漸安後來住金山日日登步腳酸重又合服之頗
覺輕健勝前日云

舒筋丸 治寒在經絡腰脚腫疼痛行步艱難

當歸 赤小豆 地龍 甜瓜子 烏藥 木瓜

歲靈仙 白膠香 骨碎補 芸薹 烏頭

海桐皮 五靈脂

右件為細末酒煮麵糊為丸如梧桐子大每服十五丸至二十九丸溫酒鹽湯下日進二服空心食前服

換腿丸 治脚三陰經虛為風寒暑濕進襲攣痺緩弱上攻胸脇肩背下注脚膝疼痛漸成風濕脚氣行步艱難足心如火上氣喘急全不進食

石楠葉 天南星 石斛 牛膝 羌活 薏苡

仁 防風 華蘼 黃芪 天麻 當歸 續斷

木瓜 檳榔

右為末酒煮麵糊為丸如梧桐子大每服五十丸空
心溫酒鹽湯任下有一士大夫舊有脚氣為苦且
脾胃弱愚為去黃芪加紫蘼子蒼朮川烏桑寄生烏藥
杜仲作常服藥遂不發脚氣

活絡湯 治寒濕脚氣筋骨手足疼痛諸疾

白朮 杜仲 牛膝 附子 甘草 人參 官

桂 川薑 當歸

右件為細末每服半兩水二鍾煎至八分去滓溫熱服病在上者食後服病在下者食前服傳於鄂渚林總郎原禮同官數人服之皆效

追毒湯 治脾肝腎三經為風濕寒熱毒氣上攻陰陽不和四肢拘攣上氣喘急小便閉澁心熱煩悶遍身浮腫脚弱

半夏 黃耆 甘草 當歸 人參 厚朴 獨

活 橘皮 熟地黃 芍藥 枳殼 麻黃 桂
心 貝子

右為劉散每服四錢水一盞半薑七片棗三枚煎七
分去滓空心溫服日三夜一

蠲痛乳香丸 治寒濕脚氣足下隱痛行步艱難筋骨
疼痛常服使經絡疏通脚氣不發

乳香 肉桂 茴香 川棟子肉 青皮 陳皮
黑牽牛 草烏 枳榔 木香

右件為細末用無灰酒煮糊為丸如梧桐子大每服

四十九溫酒或鹽湯食前下

芎藭散 治寒濕脚氣腫滿疼痛行步艱難或發或差

延引歲月此方神效

川芎

右一味為細末每服二錢取生蘿蔔自然汁一盞用
重湯暖溫空心調服

附子木瓜丸 治寒濕相搏筋骨疼痛行步艱難夜多

小便

附子 白朮 木瓜 牛膝 五加皮 萆薢

防風 續斷 羌活 杜仲 薏苡仁 熟地黄

右件為細末煮麴糊為丸如梧桐子大每服三十丸
空心溫酒鹽湯任下

蒼朮丸 治脚氣腰濕痛養腎水順氣疎風

蒼朮

將破故紙同炒訖
去故紙只用蒼朮

右為末醋糊為丸空心酒鹽湯任下年五十以上加

沉香一兩木香二兩巴戟二兩

熨痛膏 治寒濕客搏經絡四肢骨節疼痛

乾姜 大麥

右為細末每服用一兩以童子小便半升同熬成膏
稀稠得所趁熱用篋子攤上痛處紙蓋以帛子包裹
繫之燒新瓦片厚紙包熨藥上令乾透

治脚氣及風寒濕痺四肢拘急疼不可踐地

用紫蘓二兩杵碎水二升研取蘓子汁煮粳米二

合葱豉椒薑食之

風脚門 附論

內經謂暑勝則地熱風勝則地動濕勝則地泥寒勝則地裂寒暑風濕之氣皆本乎地或履之所以毒易中於足也病從脚起故謂之脚氣又况五臟流注脾與腎肝之經絡皆起足指故有風毒脚氣之病其證或見食嘔吐或腹痛下利或溲便不通或胸中驚悸不欲見明或語言錯妄或頭痛壯熱或身體冷痛轉筋脛腫痺縱

緩其狀不一治療不可緩也凡小覺病後漸異即須大
怖畏加意急治之緩則氣上入腹或腫或不腫逆滿上
氣肩息急者死不旋踵寬者數日必死不可不急治之但
看心下急氣喘不停或自汗數出或乍寒乍熱其脉促
短而數嘔吐不止者死故不可緩也風毒之人體中脉
有三品內外証候相似但若脉浮大而緩宜服續命湯
兩劑應差若風勝宜作越婢湯加白朮四兩若脉浮大
而緊急宜作竹瀝湯若病人脉微而弱宜服風引湯此

脉多是因虛而得之若大虛氣短力乏可作補湯隨病
冷熱而用之未愈更服竹瀝湯若病人脉浮大而緊駛
此是三品之中最惡脉也或沉細而駛者此脉正與浮
大而緊同是惡脉浮大病在外沉細病在內治亦不異
消息當以意耳形容似可而手脚未活且至弱數日之
中氣上即便命終如此之脉往往有人得之無一存者
急服竹瀝湯勢當令人稍解半日之中不可缺此湯也
竹瀝宜多服之若不及服熱輒停在心胃更為人患每

服當使極熱若服竹瀝湯至三劑病及脉勢未拆而苦
脹滿可服驚甲湯若湯盡勢不得下可以丸藥助湯下
下後更服竹瀝湯輒令脉勢拆氣息粗理便服三十二
味八風散佳凡初得病便摩野葛膏日再頑痺脚弱若
服竹瀝湯脉勢自拆一如未病時氣力運轉脚未遽能
行俟體力充足然後漸漸行步病重者差後半年始能
扶而行耳既覺脉勢差但當勤服八風散如一脚未能
輕舉由所治未必全得益更生諸惡失此治方也人有

疑摩野葛膏服竹瀝湯恐傷腰脚者知此人無性智不可與醫故也竹瀝湯有三方輕者服前方重者服次方再重服後方風毒相注易病人宜服小金牙散并以少許塗鼻孔中問病困人及新亡人雖强健人亦將服之亦以塗耳鼻乃可臨近亡人及視疾者縫囊袋一寸半貯藥男左女右繫臂上此散服宜從少為治病人尤宜服赤小豆飲冬服側子金牙酒釀命湯治風毒病初得時內藏毒而脉浮緩久不變此即不治數日而死或十

數日而死若得病不即治或發黃或發斑或目赤或下部穿爛者此最急之證即先服叙命湯一劑服葛根麻黃湯下之若故不拆更與叙命湯三劑必差○大凡腳氣入腹大便秘不通風毒溫濕之氣在內方宜散通之不得其法毒擾臟腑邪毒無所出體成虛弱而病益加雖有叙命散大黃丸之劑應莫能愈必至於流連作變上奔絞痛嘔吐號啼治之唯急進三將軍丸最健若不恃此藥通行用別藥不得其當則立見毒勝痰逆悶絕

喘息汗流昏塞搐搦咬齒坐視垂死而已杉節湯亦最妙○凡脚氣初得腿弱宜速灸之并竹瀝湯灸訖可服更進八風散無不差者宜急速並用若人但灸而不服散或服散而不灸如此者半瘥半死雖得差者或至一二年復更發動得依此法灸之及服散者治十十愈此病輕者一時雖不作惡治之不當根本不除歷久至於殺人不可不深以為意○凡灸八處第一風市穴可令病人正身平立垂兩臂直下舒十指掩住兩體便點當

手中央頭髀大筋上是灸之百壯多少任人輕者不可
減百壯重者乃至一處五百壯勿令頓艾三報灸之佳
第二伏兔穴令病人累足端正以病人手足掩橫膝上
走下傍與曲膝須齊上傍側走際當中央灸之亦可五
十壯第三犢鼻穴在膝頸蓋骨上際外骨邊平處以手
案之得接解則是一云在膝頂下近外三骨箕踵中動
脚以手按之得屈解是灸之五十壯可至百壯第四膝
眼穴在膝頭骨下兩傍陷者腕中第五三里穴在膝頂

骨節下一支附脛骨外是一云在膝頭骨節下三寸長
短大小當以病人手支度取穴百壯第六上廉穴在三
里下一支一云附脛骨外是灸之百壯第七下廉穴在上
廉下一支一云附脛骨外是灸之百壯第八絕骨穴在
腳外踝上凡四寸是此諸穴灸不必一頓灸盡壯數可
日日報灸之三日之中報令盡壯數為佳凡病一脚則
灸一脚兩腳則灸兩腳凡腳弱病皆多兩腳又一方云
如覺腳惡便灸三里及絕骨各一兩腳惡者合四處灸

之多少隨病輕重大要雖輕不可減百壯不差速以次灸之多多益佳一說灸絕骨最要人有患此脚弱不即治及入腹腹重大上氣於是乃須大法灸雖諸輸及諸管關節復皆盡灸之并服八風散徃徃得瘥者諸管輸節解法並在第二十九卷中覺病入腹若病人不堪痛不能畫作大灸但灸胸心腹諸穴及兩腳諸穴有得好瘥者凡量一丈之法覆手并舒四肢對度四指上中節上橫過為一丈支有兩種有三指為一丈者此脚弱灸

以一指為四支也亦依丈夫法存舊法梁丘犢鼻三里上
廉下廉解谿大衝陽陵泉絕骨崑崙陰陵泉三陰交足
太陰伏留然谷湧泉承山樂骨凡一十八穴舊法多灸
百會風府五臟六腑輸募頃來灸者悉覺引氣向上所
以不取其法氣不上者可用之耳妻偏已減恐不救者
悉須灸之其足十指去指竒一分兩足凡八穴曹氏名
曰八衝極下氣有效其足十趾端名曰氣端日灸三壯
並大神效其八衝可日日灸七壯氣下即止病者非深

相委悉慎勿為人灸之慎之慎之以八衝須小作艾炷也

方

白茯苓湯 治風毒脚氣緩弱腰脊急痛臂膊酸疼心煩氣逆脇滿

白茯苓 石斛 肉蓯蓉 酸棗仁 五味子

天雄 續斷 澤瀉 當歸 人參 白蒺藜

羚羊角 枳殼 五加皮 黃芪 防風 細辛

獨活 杜仲 雲母粉 兔絲子 甘草 熟

地黃 鹿角膠

右為細末將雲母粉兔絲子揉拌勻再羅煉蜜為丸
如梧桐子大每日早晚食前各煎棗湯下二十九

追風毒散 治脚氣多熱證疏風毒

羌活 鷄心楨榔 防風 桑白皮 郁李仁

大黃

右剉散每服三錢黑豆一百粒煎服熱甚大便澀秘

更加大黃

黑豆飲 治一切風寒毒氣腰脚疼痛

黑豆 檳榔 桑白皮 生薑 郁李仁

右剉如麻豆每服五錢水一盞半煎取一盞去滓溫服不拘時候

芍藥丸 治風毒脚氣心胸煩悶多痰咳嗽膊臂疼大便澁

芍藥 木香 枳殼 枳榔 大黃

右為末煉蜜為丸如梧桐子大食後溫水下三十五丸加至四十丸止

滴乳膏 治脚手節入風疼痛

大蒜 滴乳香 沒藥 白膠香 明阿膠

右件用好酒一二盞許煎熬使大蒜爛成膏為度次入沒藥酒乾再添用草烏尖二錢草桂二錢並為細末入前藥內一處煎熬和為膏畧候溫熱傳上痛處外用皮紙貼下用粗紙揉軟醋淬火烘熱裹定良久

即痒病愈神效不可具述

烏頭丸 主脚氣皮肉身體諸風

烏頭 附子 廣香 檳榔

右為末煉蜜為丸如梧子大每服五丸忌猪肉生服
或僅用附子烏頭二味丸如麻子大五丸溫酒送下
大腹散 治風毒脚氣肢節煩疼心神壅悶

大腹子 紫蘓 木通 桑白皮 羌活 木瓜

荆芥 赤芍藥 青皮 川獨活 枳殼

右呔咀每服四錢水一盞薑五片葱白七寸去滓空
心溫服

紫蘓散 治風毒脚氣遍身拘急刺痛大小便赤澁不
思飲食嘔逆或寒或熱痰惡脚腫

紫蘓 木通 桑白皮 茴香 羌活 獨活

荊芥 木瓜 青皮 甘草 大腹子 枳殼

右呔咀每服三錢水一盞薑三片葱白一莖同煎

飛步丸 治男子婦人風毒脚氣腫

北防風 北細辛 木瓜 川烏 草烏 晚蠶

沙 大燠草 蒼耳葉

右為末醋糊為丸如梧桐子大空心鹽酒湯吞下三十丸甚效此藥宜久服之

白楊皮酒 治風毒脚氣手足拘攣

右用白楊皮東南西北三尺者取一斤半勿令見風並去皮剉熬令黃赤以清酒一斗內不津器中漬之須密封頭勿令泄氣冬月二十七日春夏一七日開

出飲時量人酒性多少服之日五六服常令酒送下
取力相敵取差為度楊皮白色者佳不要近塚墓者
以此藥服之最妙

鍾乳酒

治虛勞風冷損脚疼痛羸瘦拘攣弱不能行

鍾乳

丹參

石斛

杜仲

芎藭

當歸

附

子

桂心

天門冬

牛膝

防風

黃耆

秦

朮

乾薑

山茱萸

薏苡仁

右㕮咀清酒二斗漬之三日初服三合日再後稍加

之以知為度

石膏湯 治脚氣風毒熱氣上衝頭面赤筋急鼻塞去
來時令人昏憤心胸恍惚或若驚悸身體戰慄手足
緩縱或酸痺頭目眩重眼枯鼻乾辛熱氣出口中或
患味甜諸惡不可名狀者

石膏 龍膽 升麻 芍藥 貝齒 甘草 鱉

甲 黃芩 橘皮 羚羊角 當歸

右咬咀以水八升煮取三升分為三服

羌花丸 治臟虛風毒上攻下注脚氣等

羌花 巴豆 白附子 羌活 陳皮 破故紙

牽牛子 檳榔

右搗羅為末醋煮麵糊為丸如梧桐子大每食前空心服自五丸加至十丸丈夫艾鹽湯下婦人橘皮湯下

麻黃湯 治惡毒脚氣痺弱四肢不仁失音不能言毒

氣衝心

麻黃 防風 赤茯苓 當歸 升麻 芍藥

白朮 芍藥 麥門冬 黃芩 桂 甘草 杏

仁

右麤搗篩每服五錢水一盞酒半盞入大棗一枚擘
破煎至一盞去滓溫服日三夜一

麻黃湯 治風毒脚氣屈伸無力痿痺不仁

麻黃 防風 桂 當歸 白栝榔 黃芩 犀

角 赤茯苓 升麻

右呔咀每服五錢水一盞半棗二枚擘開煎至一盞
去滓空心溫服

不老地仙丹 治腎臟風毒輕腳壯筋

蓰蓉 當歸 虎骨 牛膝 赤小豆 蒺藜

川椒 川芎 血竭 萆薢 白南星 白附子

何首烏 黃耆 防風 杜仲 羌活 沒藥

獨活 木鱉子 地龍 茴香 乳香

右為末酒糊丸如梧桐子大每服四十九木瓜陳皮

湯下

犀角飲子 治解風毒入腰脚暴悶痛

生犀角 蜀升麻 黃芩 乾藍 漢防己 枳

實 漏蘆 白欬 梔子仁

右以水八升煮二升三合絞去滓分三溫服不問食

前後忌海藻菰酢

淋瀝菟藿湯 治風毒脚氣腿膝痿痺赤腫行履不得

皮骨如蟲行宜用淋瀝

茄楷 蒴蘆 蒺藜子 蒼耳 柳木蠹末 海

桐皮 柴胡 茯苓皮 水紅

右剉碎每用藥四兩水五椀煎取三椀去滓淋灑洗

避風冷

地仙丹 專治風痺脚氣有久患白癩風去牽牛加枳

殼服之得效

天仙子 川椒 木鱉子 白膠香 五靈脂

黑牽牛 黑豆 赤土 草烏 當歸

右為末同入白膠香木鱉子末用隔年好醋打糊杵
千百下丸如梧桐子大每服十二丸茶清下病甚者
頻進酒亦可

海桐皮丸 治風毒流於脚膝行立不得

海桐皮 五加皮 川獨活 防風 枳殼 杜

仲 牛膝 薏米 生地黃

右細剉綿裹以無灰酒二升春浸七日冬二七日夏
三日每服三二盃空腹服日三四度常令酒氣醺醺

不絕重者不過兩劑

又方

海桐皮 牛膝 川芎 羌活 地骨皮 甘草

薏米 生地黃

右用酒浸如前法亦治腰膝痛有效

又方 治腳氣風氣

右以端午日採蒼耳葉畧曬用好酒九蒸九曝細末之打飛羅麵為丸如梧桐子大每服空心溫酒或用

木瓜湯下六七十九昔有人苦脚氣服此不惟病去
且年逾九十行步如飛

治風脚氣

右用童子小便兩大瓶用木瓜皮四兩分在兩瓶內
細煎小便百沸脚盆盛頓更替熏之以綿絮蓋脚汗
旋出即愈不時薰五六次神效

木香丸 治風毒氣攻手脚緩弱沉重虛腫疼痛

木香 沒藥 附子 烏藥 蒺藜子 天南星

切
白附子 礪砂 木瓜

右先將礪砂研細入木瓜內濕紙五七重裹煨熟爛
研成膏次將餘八味搗羅為末以木瓜和丸如梧桐
子大每服十丸空心冷酒下一方用川烏半兩炮去
皮臍

五柔丸 治腎虛冷受風蕪毒腫脚氣等

大黃 前胡 半夏 芍藥 薤蓉 赤茯苓

細辛 葶藶 當歸

右為末煉蜜搜丸再入臼內搗三千杵丸如桐子大
每服五丸空心米飲下加至七丸以大便通利為度
日三

栳榔湯 治風毒脚氣無力痺痺四肢不仁失音毒氣
衝心

栳榔 防風 桂 當歸 赤茯苓 犀角屑
麻黃

右除麻黃外並搗篩每服先取麻黃末二錢水一盞

半煎至十餘沸掠去沫入藥末五錢用大棗三枚拍碎同煎至七分去滓空心溫服近晚再服

蘆根湯 治風毒脚氣昏煩壯熱頭痛嘔吐口乾

生蘆根 赤茯苓 葛根 知母 麥門冬 淡

竹葉 甘草

右為散每服五錢水一盞半煎至八分去滓食後溫服晚再服之效

摩傳神明膏 治風毒脚氣不仁及緩弱無力

附子 吳茱萸 芎藭 白芷 蜀椒 前胡

白朮 桂 當歸 細辛 防己

右搗篩以新綿裏內淨器以醋五升浸一宿用臘月
猪膏一斗內鍋中煉去筋膜入前酢中與所浸藥以
文武火三上三下候變色稀稠得所瀝滓拌勻成膏
甕器中盛密封頭每有患風痺不仁取一手摩之搯
摩令入皮膚若多腫即去細辛以牛酥代猪膏亦佳
茱萸散 治風冷脚痺偏枯半身不遂晝夜呻吟醫所

不治

吳茱萸 乾薑 白欬 牡荊 附子 天雄

狗脊 乾漆 薯蕷 秦艽 防風

右治下篩先食服方寸匙日三藥入肌膚淫淫然三日知一月痊

附子湯 治脚氣風多痿痺筋骨疼痛四肢不仁脚緩弱履地不得者此方治之

附子 麻黃 細辛 杏仁 芍藥 牛膝 丹

參 防風 獨活 五加皮

右剉如麻豆每服五錢用水一盞半入生薑半分拍
破同煎至一盞去滓溫服空心日晡午時衣覆微令
汗出

茵羊丸

出本草

治風氣積滯成脚氣常覺微腫發作或痛

茵羊

炒

薏苡仁

各半兩

郁李仁

一兩

牽牛子

一兩半

右為末煉蜜和丸如梧桐子大每服二十九五更薑
棗湯下未利加至三十九以快利為度白粥補之

葫蘆九

出仁存方

治風毒脚氣章般山曾留耕服之

蒼耳

五月五日採九蒸九曝取二兩淨

左纏藤

取嫩葉乾秤二兩淨

葫蘆巴

二兩以一兩同海金沙炒赤色去沙不用一兩同去殼巴豆十四粒炒巴豆赤色不用豆

右為末醋糊為丸每服四十九丸鹽湯吞下

吳茱萸湯

治風毒脚氣

吳茱萸

湯浸三度焙乾炒

右搗篩每服三錢水一盞半生薑半分拍破同煎至

六分去滓食前服日晚再服

紫雪方 此方主療脚氣毒過內外煩熱口中生瘡

及狂易叫走並善解諸般草熱藥毒發邪熱卒黃等
瘴疫毒疔卒死瘟疫五尸五注心腹諸疾絞刺切痛
蟲毒鬼魅野道熱毒小兒驚瘋癲癩百病最神
效

方見積熱癰冷門諸熱類

金芽散

出聖濟總錄

治脚氣

金芽

研

魯丹

研

礬石

研泥裹燒半日

丹砂

研

雄黃

研

朴硝

研寒水石 研代赭石 研龍骨 研犀角 研獺肝 炙鶴

骨 炙狸骨 炙巴豆 去心皮熬 大黃 野葛皮 炙各三分 牛黃

另研麝香 入另升麻 桂心 附子 用生者去皮 鬼臼 鬼

督郵 黃環 青木香 鳶根 有草名鳶尾此云鳶根即是鳶尾之

根也 牡蠣 熬蘓合香 入另常山 茯苓 黃芪 知

母 龍胆 各三兩 露蜂房 玉支 茵草 一本作茵 茵字 鬼

箭羽 徐長卿 石長生 蜀漆 當歸 桔梗

白薇 各一兩 蜈蚣 二枚 蜴蜥 一枚 羌青 炙地胆 炙亭

長

灸各三枚

四十枚去目及閉口者

右各搗為散以湯如桃李許和散三分半或東核服之常患者日再服卒患利吐者服四分匙若以絳袋裹方寸三匙帶之辟諸惡疔忌食生冷蘆笋生葱菜猪肉冷水酢物陳臭生血等物合藥用臘月王相日勿令穢汚風見之以蠟紙裹用二年此藥兼治冷熱虛實其功卒不可盡述矣

石楠丸

出和濟方

治風毒脚弱少力脚重生瘡脚下隱痛不

能踏地脚膝筋攣不能屈伸項背腰脊拘急不快風

毒上攻頭面浮腫或生細瘡出黃赤汁或手臂少力

或口舌生瘡牙斷赤爛齒搖髮落耳蟬聲頭眩氣促

心腹脹悶小便時澁大便或難服之補益原氣令人

筋骨壯健耳目聰明婦人血氣亦可服之不拘時候

赤芍藥 五加皮 三兩 草薢 四兩 當歸 麻黃 去根 陳

皮 赤小豆 各三兩 獨活 去蘆 薏苡仁 牽牛 炒 石

楠葉 各三兩 木瓜 四兩 杏仁 去皮尖雙仁 大腹皮 川

芎

杜仲

剉炒各二兩

牛膝

去苗二兩

右為末以酒浸蒸餅丸如梧桐子大每服十九至十五丸二十九木瓜湯下早起日中臨卧各一服偏風腫滿服之亦效一方有川椒續斷

虎骨酒

出本事方

治去風補血益氣壯筋骨強脚力

虎脰骨

真者草薺

山靈脾

薏苡仁

牛膝

熟

地黃

右細剉絹袋盛浸酒二斗飲了一盞入一盞可得百

日婦人去牛膝

治一切熱毒氣及風毒脚氣

出本草

右用大豆和甘草煮湯飲之

橘皮丸 治一切風毒脚氣喫食不下

橘皮

一斤以童子小便浸一日次用炭火半秤燒地令赤以酒一升洒於熱土將橘皮鋪在地

上着盆合一宿時

朴硝

一斤漿水二升煎令水盡用

白茯苓

去黑皮四兩

右為細末煉蜜為丸如梧桐子大每服三十丸食後溫水下空心米飲下亦可以利為度利多減服

治風毒脚氣脛腫捻之則陷

出肘後方

右用牽牛子為末蜜丸小豆大每服五丸薑湯下用利小便便即愈亦可用楨杓吞之其子黑色正似桃子核之形市人亦賣之

木瓜丸

出海上方

治脚氣去風

木瓜一箇小叙命湯

去附子為末一兩

右以木瓜去皮穰切下蓋入叙命湯末在內蒸爛研搗乾為丸如梧桐子大每服三四十丸蘓木煎湯溫

下亦可作膏傳貼痛處尤好一方用川椒末二錢

桑枝方

出十便良方

本方云桑枝性平不冷不熱可以常服

療遍體風痺乾燥脚氣風氣四肢拘攣上氣眼暈肺氣咳嗽消食利小便久服輕身明目令人光澤兼療口乾仙經云一切仙藥不得桑煎不服出抱朴子

右用桑枝細切一小升熬令香以三大升煎取汁二大升一日服盡無間食前後

治脚氣風痺不仁五緩筋急

右用熊肉半斤於豉汁中和薑椒葱白鹽醬作腌酢於空腹食之

治風脚弱

右用龜殼炙之為末酒調服

地龍丸

出朱氏集驗方

治風脚痛不可忍

川棟子肉

一兩用已豆炒不用已豆

全蝎

二錢好麴兩破故紙三錢

用斑猫炒不用斑猫

茴香

二錢半用海金沙炒不用海金沙

葫蘆芭

二錢半

自然銅

半兩醋煅淨

水蛭

兩條麝香炒

敗龜

半兩

石薜荔

半兩醋用

浸一時焙

無名異

四錢炒

檳榔

二錢不見火

天竺黃

半兩紅麴兩半

燒瓦上

穿山甲

四錢炒

地龍

三錢去土炒

古錢

十二箇用砂鍋子盛爐內

煨成汁
醋浸

右為細末將乳香一錢沒藥三錢麝香一錢辰砂半兩為衣醋煮麵糊為丸如梧桐子大溫酒送下

驅風丹

出澹寮方

治風氣脚遠年近日疼痛腫滿時或發動

或患癰癤白虎及筋脉拘攣等證

川烏

一兩不去皮尖大者破作四邊小者破作兩邊却剉如骰子大用麻油煎令黃色去油焙

乾赤小豆

一兩擇去

草烏

四兩鷄用者不去皮臍破作兩邊擇去心中黑

者祇取心內白者剉如骰子大以二兩油製如川烏法再同鹽一兩拌和水微淹煮浸三日一夜一度漉轉候日數足取出再用鹽一兩同炒黃色去鹽勿令焦本用滴汁浸三日夜去滴汁炒恐滴汁不常有故以鹽水代之

地龍

四兩著陰潤處少時用綿紗裹定輕輕羅篩去土取肉不用更

秤鷄心栴榔

二兩剉焙

右為細末用黃酒一大碗好頭麴五錢重煮糊為丸
梧子大每服三十丸空心麴香冷鹽湯下如熱酒食
之類俱未可便食庶不大麻木如初服未可多服丸

數而後不大麻木可畧增也忌香菜茵陳豈豉及一

切動風物

橘皮丸

出十便良方

治腳氣有風人氣不順致生熱而大便

秘此藥用不損人進飲食散脹滿調中下氣偏宜腳氣

黃橘皮

四兩乾生薑一兩

右為細末以蜜半斤同熬成膏丸如梧桐子大每服三十丸生薑湯下食前

治風毒脚氣吐密方

出海南四時
攝生論方

延胡索

一兩炮

蓬莪茂

一兩半

蚌粉

四兩醋炒

右為散炒黑豆令香熱水煎三五沸入薑少許更煎一兩沸取汁調一錢服之

治元臟風毒脚氣心腹脹滿方

出海南四時
攝生論方

附子

炮

京芎

當歸

桂心

木香

檳榔

陳

橘皮

蘿蔔子

右等分為散內蘿蔔子取仁別研相和更與諸藥再

研令勻空心酒調下

四生丸

出海南四時攝生論方

治脚膝骨節毒風行履不得

川狼牙

黑附子

海桐皮

天南星

右等分生用為末頭醋煮糊為丸菴豆大每服十丸

鹽湯或酒下

赤小豆丸

出朱氏集驗方

赤小豆

半生半炒

香附

半生用半酒炒

晚蠶沙

半生半炒

草烏頭

半生

半麻油炒

右等分加陳倉米三合半生半炒為末酒糊為丸梧
桐子大每服十九空心茶酒任下

乳香應痛丸

出朱氏集驗方

治腳氣風損神效

川烏

生用不去皮

草烏

生用不去皮

紅花

剉焙

當歸

酒浸

天台烏

藥

剉焙

乾葛

剉焙

白芍藥

洗剉焙

蘓木

剉

生乾地黃

洗剉

骨

碎補

燎去毛

鷄骨降真香

剉

金毛狗

燎去毛

自然銅

入銀

鍋內炭蓋乳香

杵碎用香爐盛火

薪葉一片虛架在香爐口上約

去火二尺許次

將乳香置薪葉上候炙鎔

灑用水潤濕

浸藥

杵碎

小竹篋子炒撥覺灑定取出候冷研

酒浸

右各一兩為細末用好白酒濃滓一盞好頭麪半兩
煮糊丸如梧桐子大每服三十九空心溫鹽酒下禁
忌如前凡腳氣發作先服驅風丹大痛稍愈即間服
藥候痛全愈專服此藥必如常歲每歲則痛一月今
年服下一料只痛半月二十日明年已發再服一料
止痛十數日又明年再服一料則終身不復作矣但
腳氣年深背駝腰曲手足攣拳者服前項二藥雖未
能卒去病根然亦能免大腫痛此藥不特專治腳氣

但是風損皆可服之以上二藥常用微火烘焙恐發潤故也如白虎瘰癧之類皆可服

五生丸

出衛生家寶方

治腳氣及風氣攻四肢

金毛狗脊

去毛

川烏

防風

川草薢

蓬莪朮

上已

各一兩
日曬乾

右件礪為細末用法醋糊為丸如梧桐子大鹽湯酒空心下

治腳氣中虛風

出本草

右以羊皮去毛作臠食之

治風血脚氣疼痛痺躄損痰血痛不可忍

出本草

右取扶杉木白皮炙酒浸服之

理風消脚氣

出本草

右以苦竹筍蒸煮食之

治脚氣風氣

出本草

右取鯉魚作鱠與食之效

治風毒脚氣及久積冷腸痔下血

出本草

右用杜仲葉嫩時採食之亦宜乾末作湯服



普濟方卷二百四十一